

相山帖體詩存



祖山帖體詩存

卷二目錄

山水含清暉

三周華不注

千古河山戰一枰

欵乃一聲山水綠

故鄉無此好湖山

山在鄰家樹上青

深山河處鐘

祖山帖體詩存

卷二目錄

蟬聲驛路秋山裏

海不揚波

秋水渡旁渡

楚客洞庭舟

河帶斷冰流

潘岳花縣

花落知多少

落花依草

閒與仙人掃落花



落花時節又逢君
滿池紅雨落花多
纔有梅花便不同
且向百花頭上開
桃花源裏人家
忽逢桃花林
竹外桃花三兩枝
青旗沽酒趁梨花
天台桂子爲誰香

祖山帖體詩存

卷二

目錄

二

雞冠花
人淡如菊
猶有黃花晚節香
不可居無竹
看竹何須問主人
竹裏煎茶
從來佳茗似佳人
柳線
楊柳依依

樹猶如此

隋柳入唐疏

秋胡婦采桑

人歇樹陰中

綠葉成陰子滿枝

家書新報橘千頭

佛手柑

草色遙看近卻無

春泥百草生

粗山帖體詩存

卷二

目錄

春初早韭

麥隴風來餅餌香

晝爾千茅

蘆花被

鳳鳴朝陽

匪雞則鳴

注目婆娑兒

禽鳥聲亦樂

烏鵲同巢

一行斜字早鴻來

鴻雁不來

智禽銜蘆

燕雁代飛

舊時王謝堂前燕

頻來語燕定新巢

隔岸黃鸝時一聲

鶯偷百鳥聲

與人一心成大功

粗山帖體詩存

卷二

目錄

老馬識塗

老驥伏櫪

空牆無穴鼠嫌貧

莊周夢蝴蝶

秋深一蝶下尋花

蜂重抱香歸

絡緯啼秋金井欄

果羸負子

案頭筠管長蒲蘆

祖山帖體詩存卷二

北平查 璨祖山氏著

男筠校刊

山水含清暉

石壁歸來路暉含處處清有山皆入畫無水不成聲
曉氣開屏朗秋光拭鏡平羅羅添澹沓瑟瑟賸空明
樓向青蒼倚舟從紫翠行荔紅千嶂雨草綠半湖晴
樵唱雲初墮漁謳月正盈還憑模範手繪景到

瑤京

祖山帖體詩存

卷二

一

題註 謝靈運石壁精舍湖上作
昏旦變氣候山水含清暉

三周華不注

一朵華不注山疑出水浮玲瓏環四面馳驟繞
三周盤轉爭旋磨輪飛迅置郵傳來催箭定擣
去叱戈投雲擁單椒翠煙迷獨萼秋豪真窮退
舍勇更勝踰溝嵐氣青紅映泉聲晝夜流麾師
停稷下往事說張侯

題註

左傳成公二年六月癸酉師陳于鞏齊
師敗績逐之三周華不注○華不注山

名在今濟南華
不作花耐解

千古河山戰一枰

無限河山感紛紛擺戰場局留千古劫紙化一
枰忙乾轉坤旋勢龍蟠虎踞方雙匱飛黑白半
壁走蒼黃是路皆生莽何田不變桑橘談誰勝
負柯爛幾興亡表裏爭收拾綱維妙至張

時清遵

廟算萬井樂平康

題註

陸游早涼熟睡詩百年日月
飛雙轂千古河山戰一枰

欵乃一聲山水綠

祖山帖體詩存

卷二

二

遙天山水澗片影下漁帆欵乃聲移岸悠然綠
到巖半空聽嫋嫋四顧認巉巖舵尾風初掉峯
頭日尚銜谷鶯來現皖樞燕雜呢喃逸韻添詩
料濃妝染畫函數重花霧破幾點柳煙攬願共

浮家去湘波混碧衫

題註

柳宗元漁翁詩漁翁夜傍西巖宿曉汲
清湘然楚竹煙銷日出不見人欵乃一

聲山水綠○康熙字典欵乃掉船相應聲
正字通今行船搖櫓憂軋聲似之元結南

湖欵乃曲讀
爲襖靄是也

故鄉無此好湖山

舊說湖山好天教到浙西別開新境抱絕勝故鄉棲白社曾經訪黃樓更續題淡妝秋雨洗罨畫夕陽迷至此誇衣錦行來戀杖藜果真看不厭終欠與之齊風月從頭領煙雲過眼低三年囊粉本常倩小奴攜

題註

蘇軾望湖樓詩我本無家更安住故鄉無此好湖山

山在鄰家樹上青

山與鄰爲宅鄰因樹作家有山皆繚繞無樹不槎枒排笏青遙送垂簾綠盡遮悠然欣洽比富

祖山帖體詩存

卷二

三

以讓交加屋角濃分黛牆頭澹點鴉嵐惟浮一抹路豈隔三叉霖後全刪葉春前缺補花萬千何用買卽此結煙霞

題註

宋趙師秀移居謝友人見過詩

深山何處鐘

山山深不到暮靄忽聞鐘尋著招提路聽來窈窕峯踏殘黃葉落敲斷白雲封鳥磴盤千仞人家隔幾重蒲牢聲縹緲蕭寺望葱蘢了了寒煙涇沈沈夕照春攀蘿驚鶴起采藥覓僧從清梵

知何處音搖萬壑松

題註 王維過香積寺詩不知香積寺數里入雲峯古木無人逕深山何處鐘

蟬聲驛路秋山裏

送客青州道秋聲在馬前山深藏古驛樹老噪

新蟬響踏庚庚碎音流午午圓柳爭風葉抱梅

帝肅憶雪花傳徹耳喧籌筆關心緊着鞭疎林催曉

皇二月短埃咽殘煙塵鬢留槐夢郵蹤話菊綠綠陰

斜照裏高唱入雲巔

題註 韓翃送王光輔歸青州詩蟬聲驛路秋山裏草色河橋落照中

祖山帖體詩存 卷二

四

海不揚波

薄海

皇仁兕寰瀛

帝德和十洲惟順軌三載不揚波析木乘風穩扶桑

浴日多樓紅噓幻蜃山黛湧堆螺菱鏡層層映

蒲帆幅幅拖光騰開翡翠氣靖悶鼉鼉源欲探

星間槎從貫月過

熙朝人瑞應翁受允歸河

題註 韓詩外傳成王時越裳氏重三譯而朝曰天之不逆風疾雨海之不揚波三年

矣中國其
有聖人乎

秋水渡旁渡
東望西開
到此聽呼渡
蒼涼水國秋
蹊從山外過
野向渡旁求
楓葉迷前浦
蘆花繫故舟
峯隨看面面
道各認頭頭
捷徑何妨問
歧途莫誤投
半彎黃柳瘦
幾處綠莎幽
日落平沙雁
波迴對岸鷗
扣舷歌又轉
嵐影夕陽留
戴石屏詩秋水渡
典題註
考渡夕陽山外山
楚客洞庭舟

祖山帖體詩存

卷二

五

一覽洞庭秋
乾坤汗漫游
相逢多楚客
同泛有吳舟
帆影長江接
濤聲大澤流
淡煙彭渚罩
疎雨岳城收
芳草餘青眼
蘆花滿白頭
鄉音隨去雁
旅夢寄歸鷗
斷葦通漁港
垂楊隱酒樓
巴陵湘水路
萬櫓發清謳
許渾洛中秋日詩吳僧
秣陵寺楚客洞庭舟
峯調音面面兼
題註
河帶斷冰流
帶凌隨波消
灑灑解凍切
兢兢坼處漸
千片沖
河流聲不斷
東望已開冰
日落沙平岸
風拖水

時鑿幾層魚鱗攢細碎鯨吼激奔騰溜急雙分
翦芒寒四照稜來如金鏡湧去似玉槎乘前渡
漁家宿還防冷觸罾

題註

于良史冬日野望詩風兼殘雪起河帶斷冰流

潘岳花縣

一縣花如許河陽令著潘桑麻陰夏屋桃李豔
春官擲果情猶繫司香夢未闌惠風三月暢膏
雨萬家歡衙放蜂排早庭間鳥踏殘客從金谷
賞人在玉堂看露湛頭銜重霞蒸眼界寬板輿

粗山帖體詩存

卷二

迎養日錦署慶團圓

題註

晉潘岳傳嘗為河陽縣令滿種桃李人稱為花縣又白居易六帖縣令部潘岳為河陽令樹桃李花人號曰河陽一縣花庾信枯樹賦有定是河陽一縣花句按倪氏註引晉書潘岳傳岳傳實無此語

花落知多少

妒煞風和雨花開又落時算來春事了贏得夢
魂知玉漏催頻緊珠簾捲尚遲關心聽斷續聒
耳費猜疑薄釀霏三月濃芳賸幾枝辛勤多愛
護子細耐支持徑漫呼僮掃圍仍許客窺殘紅

無限意蜂蝶莫嗔癡

題註 李白詩春眠不覺曉處處聞啼鳥夜來風雨聲花落知多少

落花依草

花草交縈拂鍾嶸妙品詩草依花作態花落草生姿似散疎兼密將迎即若離綠迷鴻爪印紅馮馬蹠知流水斜陽外微風細雨時淺深留畫稿多少費吟思有夢曾通我無言卻問誰攜江令筆染翰謝家池

題註 梁史鍾嶸為詩評曰范雲宛轉清便如流風回雪印遲點綴映媚如落花依草

祖山帖體詩存 卷二

閒與仙人掃落花

有約花同掃續紛雪滿山仙壇人已杳王屋客猶閒擁篲腰頻折扶筇手共攀紫霞飛綽約紅雨溼爛熳籍許從今隸塵應到此刪攜鋤丹竈外歸擔白雲閒煙認峯千疊香吟水一灣松風吹不到閨苑列清班

題註 李白寄王屋山人孟大融詩願隨夫子天壇上閒與仙人掃落花

落花時節又逢君

飄泊天涯老江南正憶君春深曾戀戀花落又

紛紛客路吟三月皇家湖五雲無言增繾綣有
約倍芳芬流水拋前度繁華曠昔聞新聲鶯解
語舊夢雁離羣白髮延朝爽紅牙按夕曛相逢
重掩袂往事說殷勤

題註

杜甫江南逢李龜年詩正是江南好風景落花時節又逢君

滿池紅雨落花多

春色去悠悠無聲亂落中飛來千樹雨散作一
池紅豔濯桃花水輕拖柳絮風詩情芳草外畫
意小橋東織訝魚梭急拋殊燕翦工壓簷低拂

祖山帖體詩存

卷二

八

帽垂釣溼黏筒浪颺鱗鱗活霞缺面面烘石闌
香不斷幾陣撲簾攏

題註

陸天錫暮春卽事詩閒倚石闌數春事滿池紅雨落花多

纔有梅花便不同

冉冉傳花信仙娥送影來清疎偏愛月浮動暗
驚梅舊約琴停久新腔笛弄纔圓教呈皓魄奇
訝發初胎頓使中宵朗方知昨夜開前身修共
到今夕喜相陪著眼蟾光逗關心鶴夢猜與君
同不睡一步一瑤臺

題註 杜未詩尋常一樣窗前月纔有梅花便不同

且向百花頭上開

底是和羹手新詩託詠梅花中原獨占頭上且

先開春信孤芳賞天心數點回香爭迎雪放影

動倚雲栽曾共蟾輪種何須羯鼓催聲華傾玉

島領袖到瑤臺高格推前列羣英讓後來

掄材宏藻榜

茂對重名魁

題註 王曾梅花詩而今未問和羹事且向百花頭上開

祖山帖體詩存

卷二

九

桃花源裏人家

源裏疑無路誰知別有家問津來隱士夾岸盡

桃花水國春如許天台夢不差世情方外澹鄉

語此中譁籬角時聞犬杖頭偶噪鴉神仙新眷

屬漢魏舊生涯綠暗前溪漲紅蒸古洞霞夕陽

斜照處一幅畫圖誇

題註 王維田家樂杏樹壇邊漁父桃花源裏人家

忽逢桃花林

桃源渾不識來卻問何從欵乃聲纔入嫣然笑

忽逢花驚紅灼灼林訝碧溶溶縹緲雲千疊玲瓏樹萬重香中忘世味意外見仙蹤雨落溪頭暗煙迷洞口封半篙春水濶一帶夕陽濃欲訪天台路塵緣話舊悰量費十千小對妝箱容容歛題註陶淵明桃花源記竹外桃花三兩枝

江上桃花豔遙從竹外窺綠搖千萬个紅映兩三枝有路通蹊徑無言傍水湄此君高灑落之子倚參差穠麗工渲染平安好護持二分留客

祖山帖體詩存

卷二

十

處幾點送春時髣髴寒簾笑玲瓏舞袖歌漁郎前渡問翠羽寄相思

題註蘇軾惠崇春江曉景詩竹外桃花三兩枝春江水暖鴨先知

青旗沽酒趁梨花

趁得梨初放青旗繞郭懸花堆晴院雪酒熟畫亭煙辜負春多少商量價十千小樓迷醉客香國護游仙寒食清明路斜風細雨天賞從茅屋裏問到杏花邊慣認紅標字還分白打錢來朝拚酪酏便藉綠英眠

題註

白居易杭州春望詩紅袖織綾誇柿葉
青旗沽酒趁梨花○梨花春酒名其俗
釀酒趁梨花熟
號為梨花春

天台桂子為誰香

桂子雲飄日天台月上時色空方悟我香定卻
因誰佛共參干果人初折一枝喚回仙客夢催
出試官詩鼻自傳馨覺心從結藥知小山曾領
畧今夕費猜疑花放珠宮早茶煎玉局遲登樓
看縹緲

瑤島聚英姿

祖山帖體詩存

卷二

十一

題註

蘇軾復登
望海樓詩

雞冠花

自具昂藏氣巍然絳幘冠妝成金鳳似養到木
雞難有色經秋豔無聲著露溥櫛風三徑矮戴
月五更寒矮比蟬紅飾華如鷓翠攢佐談人共
賞起舞客同彈寶相垂瓔珞雄心鏤羽翰參差
堆作錦莫等寄籬看

題註

羣芳譜宋時汴中謂雞冠花為洗手花
中元節前兒童唱賣以供祖先○一種

矮雞冠或云即
玉樹後庭花

人淡如菊

澹極何如菊應嫌擬不倫邀來三徑客畫出六朝人韻想疎籬勝妝窺老圃新渾忘觀我相合伴此花身有味猶知厭無言倍覺真采宜陶靖節餐許屈靈均瘦影燈前共寒香月下親詩家增逸致妙諦倍傳神

題註

司空圖詩品落花無言人淡如菊○典雅

猶有黃花晚節香

獨有黃花好猶留老圃香人惟矜晚節天許殿

祖山帖體詩存

卷二

三

羣芳本以蕭疎勝何爲絢爛忘味真如太古色正配中央秋意交同澹冬心抱共長影添三徑月鬢老一籬霜酒醉先生宅詩吟宰相堂南山遙對處風雨慶重陽

題註

韓琦在北門九日宴諸僚佐詩莫嫌老圃秋容淡猶有黃花晚節香○魏公居

常謂保初節易保晚節難故晚年事
事著力所立特全見名臣言行錄

不可居無竹

商確安詩室無如竹裏居不教容我俗可肯與君疎得地陰量隙當窗影補虛琴樽常憶爾煙

雨每懷渠雅客留彈局幽人借讀書三分宜水
外一日買山初夜月新開徑春風舊掃廬數竿
生意在小住亦相於

題註 蘇軾於潛僧綠筠軒詩可使食無肉不
可居無竹無肉令人瘦無竹令人俗

看竹何須問主人
瀟灑隔音塵勞勞遠問津結茅應有主看竹爾
何人素結知心久青逢刮目新尙疎高士面難
得此君身雲外尋蹤杳風前拍笑親突來原不
速乍入豈無因既見情通未相須意欠伸儻邀

粗山帖體詩存

卷二

他日約折簡莫嫌頻

詩題註 王維春日與裴迪過新昌里訪呂逸人
不遇詩到門不敢題凡鳥看竹何須問

何人主

竹裏煎茶

一徑幽篁裏清芬好煮茶移來舟是屋傍去竹

爲家映綠分爲个呼青合不差掃雲燒敗葉汲

雪沸輕花響並吟聲碎香添火候加與君聯眷

屬留客話生涯翠袖天寒倚紅鑪日暮斜漁簑

閒對茗江上釣晴霞

題註

唐書張志和遁居江湖往來若雲間肅宗賜以奴婢志和配爲夫婦男曰漁童奉鈞收綸蘆中鼓柁女曰樵青蘇蘭薪桂竹裏煎茶

從來佳茗似佳人

韻事從來肖人佳茗亦佳此香宜此色相儷恰相偕采定紅妝倩烹應白雪諧掃眉勻細葉出手比柔荑秋水醒殘夢春風暢滿懷屋應金與貯堂稱玉爲儕味許知心久芳留竟體皆朝雲親捧侍巧樣綴鸞釵

題註

蘇軾次韻曹輔寄壑源試焙新茶詩戲作小詩君一笑從來佳茗似佳人

祖山帖體詩存

卷二

柳線

似線添春晝依依柳展陰量來長復短染出淺還深斜曳紛無定輕拈弱不禁整教風入翦低倩月穿鍼幾日濃裝玉頻年細壓金空拋驚燕足巧織費鶯心刺繡增閨詠牽衣動客吟一鞭搖古驛結思又從今

題註

范雲送別詩春風柳線長送爾上河梁

楊柳依依

乍見依依柳長亭復短亭鬢毛逢我白眼角送

君青幾疊陽關唱三眠灞岸醒纏綿絲與縷宛
轉影隨形雪舞人千里煙迷水一汀腰支全瘦
損眉纈半忪惺話雨添離絮搖風感旅萍歸鞭
吟客路攀折又重經

詞題註 詩經小雅

樹猶如此

此樹當年種重來認畫橋婆娑猶去日慘淡又
今朝白雪新添鬢春風舊舞腰伊誰期有約與
爾訴無聊望眼秋零早驚心歲隔遙光陰原易

祖山帖體詩存

卷二

五

逝形影倍難描往跡差堪記前情半已消幾回
征馬繫攀折憶條條

題註

晉書桓溫傳溫自金陵北伐行經金城見少爲瑯琊時所種柳皆已十圍慨然曰樹猶如此人何以堪

攀枝執條泣然流涕

隋柳入唐疏

多少隋隄柳風情減入唐芳華今屬李疏影尙
稱楊舊調花飛白新痕縷染黃更無征馬繫猶
有暮鴉藏競鬪宮眉樣依稀殿脚妝江山纔過
眼兒女幾回腸汴水消殘月邗溝賸夕陽不堪

攀折處留與話興亡

題註 賈島送朱可久越中詩吳山侵越衆隋柳入唐疏

秋胡婦采桑

一唱新婚別怱怱去故鄉征夫空折柳少婦慣

條桑夜月機中杼春風陌上筐裁衣思遠道勸

食慰高堂自掃羅敷徑誰窺仲子牆微行曾戒

露小摘未經霜蠶飼親餘火鳩呼立夕陽娟娟

猶是蠟何日賦歸裝

題註 列女傳魯秋胡子納妻五日而宦於陳後歸未至家見路傍美婦采桑秋胡悅

相山帖體詩存

卷二

六

人歌樹陰中
之下車願託桑陰下婦采桑不顧胡曰力田不如逢年采桑不如見郎今吾有金願與夫人婦人不受胡歸母呼其婦出乃即采桑者數胡之罪而自投於河

避暑登樓望周圍大木森往來人共歇遠近樹

分陰送爽松吹帶招涼柳染襟那知紅日漏但

覺綠雲侵鶴夢尋三徑蟬聲噪二林相逢投熱

腦小憩靜塵心謾謾清濤響盈盈翠幄沈此中

客抱膝得趣可調琴

題註 姚合夏日登樓晚望詩鳥穿山色去人歇樹陰中

綠葉成陰子滿枝

探花花落後慘綠暗成陰密密枝交葉垂垂子

滿林迷離猶憶昔爛漫又從今瓜已愆期約梅

仍迨吉臨悄無人共語空有蝶相尋種碧還憐

玉圍黃豈惜金攀條曾別手擲果總關心十載

揚州夢徒教薄倖吟

題註 杜牧詩自是尋春去較遲不須惆悵怨芳時狂風落盡深紅色綠葉成陰子滿

枝事載高彦休唐闕史與他本所紀略殊

家書新報橘千頭

祖山帖體詩存

卷二

家有千頭橘黃金抵倍珍報來霜色嫩書到墨

痕新喚婢園堪樂封侯戶未貧雙魚裁素幅一

騎叱紅塵納稅逢年早題緘計日真人煙江上

飽鄉味客中親鄭重勞梅使平安倩竹鄰惠分

三百顆不減洞庭春

題註 蘇軾詩春夢屢尋湖萬頃家書新報橘千頭

佛手柑

是誰徵佛果特借手名柑西出盈千幻南無合

十參玉膚霜染嫩金掌露盛酣拈去花同笑傳

來鳥亦諳眼前看豎一頂上待摩三色鬪羅浮
麗香分刹利甘麻姑長爪印梔子素心含卍字
胸前指無量

聖壽涵

題註

羣芳譜佛手柑木似
朱欒葉尖長有刺

草色遙看近卻無

識破東風面回青草色蘇踏來遙隱約看去近
模糊著地痕猶澹黏天影欲酥馬蹏長短路蝶
翅淺深圖金粉迷三月煙波認五湖眉間疑列

祖山帖體詩存

卷二

六

翠眼底那成朱南浦魂銷又西堂夢醒無一般
生意在盞盞望中殊

題註

韓愈詩天街小雨潤如
酥草色遙看近卻無

春泥百草生

夢又池塘醒東風百草萋燒痕餘宿火生意透
春泥帶露酥三徑和煙畫一蹊淺深千里合遠
近半天低屐齒青猶短裙腰綠未齊鳥聲新雨
滑人影夕陽迷活色翻鴉嘴浮香襯馬蹏銜來
雙燕子飛傍小樓西

題註

杜甫暗裴使君登岳陽樓詩雪岸叢梅覆春泥百草生

春初早韭

乘墨客賦早韭補百元吳因故人

紫蓼黃葵外山中補種蔬要推嘗韭早須趁敲

春初脆白千莖短肥青二寸餘柳風先試剪梅

雪合攜鋤冒雨園丁摘籠煙宅甲舒酥炊名士

餅花餉少師書午擔瓜新賣辛盤筍舊儲庾廚

貧莫笑廿七佐生菹

題註

南史周彥倫隱鍾山王儉謂曰卿在山中何所食答曰赤米白鹽綠菜紫蓼又

問何者為佳曰春初早韭秋末晚菘

祖山帖體詩存

卷二

九

麥隴風來餅餌香

隴畔風吹麥新來餅餌香幾番迎夏熟一味薦

秋涼浪翦油油綠雲翻屑屑黃陌頭餐秀色村

外飽斜陽炊憶開筵未蒸疑出釜剛十分占歲

稔兩字說家常氣覺連天潤名嗤畫地忙紅綾

爭共啖

恩宴賜先嘗

題註

彭乘墨客揮犀唐詩有云長因送人處憶得別家時東坡用其意作古今不經

入道語如桑疇雨過羅紈膩麥隴風來餅餌香二句造語之工盡古今芝變按東坡

南園詩諸本俱作春疇夏隴此獨以春夏作為桑麥似更明顯

晝爾于茅

乘屋幽民重光陰肯任拋人都勤以晝爾盍亟于茅瓠葉霜堆架蘆花雪蓋切半肩紅日荷雙手白雲捎桑切鳩培戶芹殷燕補巢前蹊黃漸塞彼匭綠初包負共鄰村話行經曲徑抄歸來樵唱答明月挂簾梢

詩經幽風

蘆花被

祖山帖體詩存

卷二

二

一枕蘆花夢何人織被慵漂時風欲揭擁處雪疑封過耳濤聲捲蒙頭睡味濃秋添三面透涼壓半肩鬆舊迹回漁浦新裝過雁峯白雲眠此夕紅葉記前蹤帳卧梅邀伴簾窺竹映重鄂君應不識猶認繡芙蓉

題註

元史小雲石海涯傳拜翰林侍讀學士稱疾還江南賣藥錢唐偶過梁山灤見漁父織蘆花為被欲易之以紬漁父曰君欲吾被當更賦詩遂援筆立成竟持被去

鳳鳴朝陽

泰運和鳴

盛來儀覽

德翔雞籌傳曉漏鳳管奏朝陽

軒籙圖銜赤羲輪珥捧黃清風諧截竹旭日徹扶桑

藻耀輝千仞

簫韶譜九章丹霞開絢爛翠羽叶鏗鏘梧閣詩徵瑞

華林賦紀昌何如依

舜日夔舞近

龍光

文選應貞華林園集詩
鳳鳴朝陽龍翔景雲

祖山帖體詩存 卷二

三

匪雞則鳴

請次戒旦推賢助驚鳴枕上雞此聲非惡也彼美則

報日云兮反側從心轉分明在耳提五門方待駕半

夜幾聞啼喔喔星初爛朦朦月漸低可真音歷

亂已失夢離迷啟仗光先辨催籌響早齊適來

何遽集飛繞閣東西

詩經齊風

題註

目婆娑兒 何物堪娛目婆娑有是鷗此兒真可意於我足

爲儔避俗留青眼忘形共白頭東西曾定約左
右慣凝眸偶立迎風睨羣嬉映日浮芙蓉千頃
暮蘆荻一家秋別渚奴呼雁前村婦喚鳩待看
明月上蛙部又傳籌

題註

清異錄鄭遨隱居有高士問何以閱日對曰不注目於娑娑兒卽側耳於鼓吹而聽蛙也

禽鳥聲亦樂

嘖嘖禽言集年豐別有聲人皆含以樂鳥亦假
之鳴買鏡催耕候提壺勸酒情相關頻對語得
隴白呼名調變音逾切身閒耳獨清雁來紅稻
熟鳩喚絲蓑晴喜共檐前噪歡同屋下爭田歌
聽互答鼓腹奏

昇平

烏鵲同巢

題註

白居易觀稼詩累累纒繞場稼嘖嘖羣飛雀年豐豈惟人禽鳥聲亦樂

物各從其類雖禽信不淆瞻鳥爰止屋維鵲慣
營巢高並雙棲穩和兼一氣包啞啞寒共噪喑
啑喜頻教繞樹音周匝傳枝影互交懷慈徵反

祖山帖體詩存

卷二

三

哺推愛解同胞浴日尋槐蔭占風向柳梢麥歧

符

聖瑞雉亦雉于郊

題註

遼史劉坤傳政務簡靜民用不擾致烏鵲同巢之異優詔褒之

一行斜字早鴻來

一行斜不斷來認遠鴻投天上傳真字人間報

早秋數聲遙出塞九日正登樓作陣疏偏整排

空去復留雪泥尋舊爪霜信寫從頭可有音書

寄難將點畫求拖藍形若折飛白勢彌邁萬疊

祖山帖體詩存

卷二

三

寒山外巴臺紀勝游

題註

李羣玉九日巴印楊公臺讌集詩萬疊銀山寒浪起一行斜字早鴻來

鴻雁不來

消息傳鴻雁遙天望不來長征今日濶遠道故

人猜鄉夢驚心早秋聲到耳纔南樓風送笛北

渚月銜杯曲待瑤琴按書空錦字裁迢迢楓葉

岸點點荻花喂雪爪猶在雲頭盼幾回有詩

吟欲寄惆悵隔龍堆

題註

司空圖詩品鴻雁不來之子遠征所思不遠若爲平生○沈著

智禽銜蘆

豈有禽名智而忘繳弋嚴稻謀千里足蘆借一枝
銜賓應隨陽到奴號警夜監影涵波揭聲
噤石巉巉欲藉防身巧全憑守口緘懸鍼雲破
路橫笛月飛巖敢效鳩安拙非爲鴟去讒遙看
霄漢近奮羽振朝衫

題註

尸子雁銜蘆而捍網抱樸子智禽銜蘆以捍網智禽即雁也

燕雁代飛

燕雁何相巧年年總代飛春秋分候至南北異

祖山帖體詩存

卷二

三

途歸互盼風霜易爭投稻麥肥花間尋翠疊月
下認漁磯去客來賓應傳箋寄帛遠兩番迎社
鼓一樣換征衣雲樹思今是關山夢昨非迢迢
湘漢路感舊別依依

題註

淮南子地形訓燕雁代飛註燕春分而南雁春分而去燕秋分而北雁秋分而南故曰代飛代更也

舊時王謝堂前燕

堂舊依王謝雙雙有夢知六朝人去後二月燕
來時梁尙香巢定簾曾繡戶窺幾番拋玉剪一

樣繫紅絲雨別頻年約風流往日思綠槐疏古
宅青草賸春池巷口猶親爾檐牙卻傍誰回看
歌舞地金粉悵迷離

題註

劉禹錫烏衣巷詩朱雀橋邊野草花烏衣巷口夕陽斜舊時王謝堂前燕飛入

尋常百姓家

頻來語燕定新巢

燕燕如相語東風上下交頻來尋故壘卽此定
新巢乃睇重門認于飛路幾抄花花疑有約絮
絮信無滄乍去釵旋墮剛回翦故拋殷勤曾爾

祖山帖體詩存

卷二

五

識商略果誰教銜土先安址依梁漸作坳厦成
羣共賀飲啜戀衡茅

題註

杜甫草堂詩暫止飛鳥將數子頻來語燕定新巢

隔岸黃鸝時一聲

黃鸝飛不見何處呀音清隔岸停雙槳乘時送

一聲含情餘縷縷欲語間盈盈簧似調猶溼珠

疑串未成紅橋三月暮綠樹半隄晴響共叩須

喚腔隨欵乃迎金衣穿日麗翠帶繞煙橫有客

攜柑去臨流聽最明

策題註
鶯偷百鳥聲

春鳥儘綢繆春鶯到處流幾回潛影度百種按
聲偷巧辨綿蠻舌工隨婉轉喉似渠真狡獪爲
汝總勾留學語纔雙燕呼名又一鳩藏身花底
避依韻樹間酬撼指誰翻笛關心爾竊鉤朝陽
鳴鳳管同入

上林游

與題註
溫庭筠太子西池詩柳
占三春色鶯偷百鳥聲

粗山帖體詩存

卷二

三

與人一心成大功

上林馬與人相向功成共此心勲名三箭定神駿一
鞭吟顧盼曾邀昔馳驅直到今我衷終不易爾
意抑何深險入檀溪躍生從勃律擒價難酬赤
汗利許斷黃金肝膽雲霄上關河歲月侵六師
同奏凱歸放喜桃林
春題註
杜甫高都護驄馬行此馬臨
陣久無敵與人一心成大功

老馬識塗

策馬言歸日前程識得無年來曾出塞老去豈

迷塗閱歷蠶叢險縈迴鳥道紆鞭催孤竹遠劍
仗五花麤山雜雲開驛城空日落烏風酸鳴骹
麟月黑影模糊萬里心原壯千金骨未枯東瞻
旋整旆末路不崎嶇

題註

韓非子管仲從齊桓公伐孤竹春往冬
返迷惑失塗管仲曰老馬之智可用也
乃放老馬而隨之遂得道

老驥伏櫪

豈有追風驥而甘伏櫪吟半生矜物色垂老慕
知音未許輕蹏展徒教暮齒侵沙場空駿足芻

粗山帖體詩存

卷二

三

豆踞雄心春釀葡萄熟秋肥苜蓿深汗曾揮百
戰骨尙值千金日落寒邊角霜高響遠砧孫陽
憑一顧長嘯奮難禁

題註

晉書王敦酒後輒詠魏武樂府老驥伏
櫪志在千里烈士暮年壯心不已擊唾
壺爲節壺口盡缺

空牆無穴鼠嫌貧

四壁蕭然裏家貧鼠亦嫌偶從牆下竄不見穴
中潛豈乏鑽踰巧非因堵閉嚴謀生余笑拙竊
食爾傷廉莫惱鄰光暗方知夜夢甜狸奴酣睡

榻燕子慣窺檐累汝窮無技趨他勢有炎吾廬
吾自愛完整舊牙籤

題註

元好問懷秋林別業詩高樹有巢鳩笑拙空牆無穴鼠嫌貧

莊周夢蝴蝶

是周還是蝶一枕到華胥宛爾偕游後遽然若
夢初卽空原卽色非實亦非虛悅惚神相合翩
翻態自如仙乎真栩栩幻也故徐徐覆葉全忘
我穿花偶戀予香吹黃熟未春醉黑甜餘他日
觀濠上臨風更羨魚

相山帖體詩存

卷二

三

題註

莊子齊物論昔者莊周夢爲蝴蝶栩栩然蝴蝶也自喻適志歟不知周也俄而覺則蘧蘧然周也不知周之夢爲蝴蝶歟蝴蝶之夢爲周歟周與蝴蝶則必有分矣此之謂物化李白詩莊周夢蝴蝶蝶爲莊周一體更變易萬事良悠悠

秋深一蝶下尋花

看花花已謝一蝶戀秋深祇此伶仃抱依然上

下尋懶邀新伴侶愁認舊光陰冷綠疏三徑殘

紅牘半林醉鄉他日夢香國隔年心瘦盡西風

粉飄零滿院金多情留戀戀子影弔沈沈畫檻

雕欄外銷魂直到今

題註 文同北齋雨後詩雨後雙禽來占竹秋深一蝶下尋花

蜂重抱香歸

底事貪花甚蜂狂結陣飛織織迎露重緩緩抱
香歸綠膩黏雙瓣紅甜孕一圍鬚輕差覺健腰
細轉嫌肥負慣來時熟偷防去路違頻添痕漸
滿乍退力仍微風趁游絲颺煙和裊篆霏

上林春爛漫奉使弄芳暉

題註 温庭筠牡丹詩蝶繁輕粉住蜂重抱香歸

絡緯啼秋金井欄

祖山帖體詩存

卷二

完

勾起清宵思絲絲絡緯抽影斜金井夜啼徹石
欄秋消息催何急分明訴不休半牀桐葉瘦一
架豆花幽燈伴閨人夢衣單客子游纏綿風入
牖組織月當樓淺漢銀雲隔空階玉露流誰家
鳴軋軋雞唱五更頭

題註 李白長相思第一首長相思在長安絡緯啼秋金井欄微霜淒淒篔簹色寒

果羸負子

果羸原無子螟蛉竟有翁負渠剛夏月類我總
春風但假吹噓力全憑保抱功翹翹昂首外默

默祝聲中消息蠶眠似工夫燕覆同寄生桑作繭留養竹爲筒七日期來復三呼頓發蒙一般名蠟蚻都是可憐蟲

題註

詩小雅螟蛉有子果羸負之集註螟蛉戎女果羸土蜂也似步屈一名桑蠋而小腰取桑蟲負之于木空中七日而化爲其子揚子法言螟蛉之子殪而逢螺羸祝之曰類我類我久則肖之矣

案頭筠管長蒲蘆

案頭筠管長養寄蒲蘆此處生花肖前身與

草俱祇因虛以受爰得負之趨類我三春未離

粗山帖體詩存

卷二

三

君一日無殷勤同式穀出納宛噓枯不覺窺天

小何嫌擇地孤借他青玉潤伴爾綠雲腴斐几

湘簾裏薰風拂座隅

題註

韓偓安貧詩案頭筠管長蒲蘆按爾雅釋蟲果羸蒲蘆疏卽細腰蟲也俗呼爲蠟蚻方言云蠶說文云細腰土蠶也天地之性小腰純雄無子又捫蝨新話銜營窠于室壁間者名果羸入地爲窠者名蒲蘆蝨蟻窠于書卷或筆管中者名蒲蘆

螢苑

腐草荒臺路餘燐閃閃青江山灰列炬風雨慘

流螢春色空歌苑秋光冷畫屏二分留缺月數

點牘繁星燈火前身劫池塘舊夢醒卽今窺熠
燿自昔照瓏玲錦袋千家放珠簾十里停君王
游宴處長使夜光燐

題註

南畿志螢苑在揚州北隋書煬帝紀大業末天下盜起上于景華宮徵求螢火得數斛夜出游山放之光徧巖谷杜牧揚州詩秋風放螢苑春草鬪雞臺

螢飛古驛樓

戍鼓聲聲起長亭更短亭樓高撐古驛夜靜亂
飛螢窗映非虛白牆遮未了青燈昏關吏醉笛
破旅人醒點點蘆吹火叢叢草帶星故鄉霜後

粗山帖體詩存

卷二

夢廢壘雨餘腥月落驚寒角風嘶響遠鈴解鞍
憑百尺榭葉不堪聽

題註

唐張說詩猿響寒巖樹螢飛古驛樓

蠶輿父守瓜

父以蠶輿號微蟲亦守瓜須防田下履慣望道
旁車迹擬螟蛉負名同蜥蜴加蔓延遺醜類匏
繫寄生涯豈慕螭餘李長吟蝶戀花種分貧士
宅棲老故侯家翅輒絲絲護身輕葉葉遮園丁
留餉在風味及時誇

題註

羅願爾雅翼釋蟲蠶與父守瓜疏蠶與父一名守瓜黃甲小蟲喜食瓜葉因名

守瓜蠶音權

半江紅樹賣鱸魚

一抹紅飛樹鱸魚半繫艘夕陽疏蓼岸秋水飽
松江絢影疑燒壁喧聲趁釣在桃花肥六六柳
葉貫雙雙掃荻炊新火移篷傍老椿漁燈明隔
浦烏相映斜窗客到論時價人歸唱晚腔

蓬池方斫膾幾隊載輕雙

題註

國朝王士正真州詩江干多是釣人居柳陌菱塘一帶疎好是日斜風定後

祖山帖體詩存

卷二

三

半江紅樹賣鱸魚

九月團臍十月尖

紫蟹初登市臍從節候占月弦分九十風味別
團尖菊佐金膏飲橙和玉髓霑含黃中滿滿剖
白兩纖纖換去詩情得沽來酒債添秋偕冬共
辨牝與牡相兼奇耦關心驗盈虛屈指拈莫言
饒太守佳句憶蘇髯

題註

蘇軾詩

爆竹

仗此君爲力喧闐作爆聲有花皆頃刻是竹亦
縱橫个个春雷響竿竿夜月明旬旬隨地奮霹
靂震天驚撒手空中破椎胸就裏成端因無曲
節特假不平鳴萬紫千紅意鸞飄鳳泊情家家
驅鬼魅喜氣徧山城

題註

荆楚歲時記山魃犯人

撲滿

則病獨畏爆竹之聲

器小盈尤易何曾納一錢自爲虛以受那識滿
而愆欲飽熏心熾徒誇澤腹堅守瓶羞爾罄人

祖山帖體詩存

卷二

三

甕請君先有意防厄漏無靈卜瓦全碎同金擲
地溢比水流泉若使常川聚焉能愆壑填願將
持贈意寄托繞朝鞭

題註

葛洪西京雜記鄒長倩遺公孫宏書曰
撲滿者以土爲器以蓄錢具有入竅而
無出竅滿則撲之土粗物也錢重貨也入
而不出積而不散故撲之士有聚斂而不
能散者將有撲滿之敗可不戒歟故贈君撲滿一枚

不倒翁

顛倒他人手而名不倒翁三生搏土後半體辱
泥中入世爭強項逢場假鞠躬看予頻跌宕老

我溷英雄自是鬚眉具誰知肺腑空信天隨俯
仰立地任西東莫羨翻身巧猶羞屈膝工小兒
羣戲弄頭腦笑冬烘

題註

國朝尤西堂吳梅村俱有戲詠不倒翁詩據陔餘叢考按其形製卽唐摭言所載之酒胡子

特其名不同耳

水煙筒

水火資相濟誰參橐籥功煙青團作縷雲白鍊
爲銅繚繞迴銀管芬芳仿碧筒龍涎胸醞釀象
鼻竅玲瓏藉彼吹噓巧供予吐納工尋聲聽汨

粗山帖體詩存

卷二

三

汨觸熱噴空空花霧籠蒸外茶香鼎沸中一呼
兼一吸餘味樂融融

本題註

本題註

本題註

本題註

本題註

本題註

本題註

